



Broj: 06-34-2-276-2/24

Sarajevo, 22. 08. 2024. god.

Na osnovu člana 62. Stav (2) Zakona o upravi ("Službeni glasnik BiH" br. 32/02, 102/09 i 72/17), člana 8. stav (2) Zakona o radu u institucijama Bosne i Hercegovine („Službeni glasnik BiH“, br. 26/04, 7/05, 48/05, 60/10, 32/13, 93/17 i 59/22) i Odluke o potrebi prijema zaposlenika u radni odnos na neodređeno vrijeme broj: 06-34-2-276/24 od 23. 07. 2024. god., Agencija za unapređenje stranih investicija u Bosni i Hercegovini donosi

**JAVNI OGLAS**

**za prijem zaposlenika na neodređeno vrijeme u  
Agenciju za unapređenje stranih investicija u Bosni i Hercegovini**

**SEKTOR ZA OPŠTE I FINANSIJSKE POSLOVE***Odsjek za opšte poslove***1/01 Vozač - logističar**

**Opis radnih zadataka :** Upravlja motornim vozilom za potrebe zamjenika direktora i sekretara Agencije, drugih zaposlenih u Agenciji, kao i potencijalnih investitora, održava i brine o tehničkoj ispravnosti vozila, osigurava potrebna dokumenta za učestvovanje u saobraćaju, obavlja kurirske poslove, obavlja sve logističke poslove Agencije, pruža logističku podršku rukovodstvu Agencije i osoblju Agencije kao i druge poslove po nalogu direktora, zamjenika direktora, sekretara pomoćnika direktora i šefa Odsjeka.

**Vrsta poslova i stepen složenosti:** Jednostavni pomoćno-tehnički poslovi (iz područja pomoćno tehničkih područja)

**Posebni uslovi:** srednja stručna sprema, najmanje šest (6) mjeseci radnog iskustva u struci, položen vozački ispit B kategorije i osnovno poznavanje engleskog jezika

**Mjesto rada:** Sarajevo

**Broj izvršitelja:** jedan (1)

Uz prijavu na Javni oglas potrebno je dostaviti dokaze o ispunjavanju opštih i posebnih uslova traženih u tekstu Javnog oglasa, i isti moraju biti originali ili ovjerene kopije.

**Potrebni dokumenti:**

Uz prijavu koja treba sadržati naziv radnog mjesta za koje se dostavlja prijava, kratku biografiju i lične podatke (uz obavezne kontakt podatke), kandidati trebaju priložiti i originale ili ovjerene kopije sljedećih dokumenata:

1. svjedočanstvo – diplomu o stečenoj stručnoj spremi propisanoj ovim javnim oglasom;
2. uvjerenje o državljanstvu (ne starije od šest mjeseci od dana izdavanja);
3. dokaz o položenom vozačkom ispitu B kategorije;
4. potvrda ili uvjerenje o traženom radnom iskustvu;
5. dokaz o poznavanju engleskog jezika;
6. izjava kandidata da nije obuhvaćen odredbom člana IX stav 1. Ustava Bosne i Hercegovine;

**Napomena za sve kandidate:**

– Kandidat koji kao zaposlenik bude primljen u Agenciju za unapređenje stranih investicija u Bosni i Hercegovini zasnovat će radni odnos na neodređeno vrijeme,

- Odluku o izboru kandidata po ovom raspisanom javnom oglasu donosi rukovodilac Agencije za unapređenje stranih investicija u Bosni i Hercegovini, na osnovu prijedloga Komisije za izbor koja će razmotriti sve pristigle prijave i utvrditi redosljed kandidata u skladu sa uslovima iz javnog oglasa i iskazanim znanjem kandidata iz područja za koje se prima (provjera stručnosti),
- Izabrani kandidat obavezan je prije potpisivanja ugovora o radu dostaviti uvjerenje da protiv kandidata nije pokrenut krivični postupak za kazneno djelo za koje je propisana kazna zatvora tri i više godina ili da mu nije izrečena kazna zatvora za kazneno djelo počinjeno s umišljajem u skladu sa kaznenim zakonima Bosne i Hercegovine (ne starije od tri mjeseca) kao i ljekarsko uvjerenje (ne starije od trideset dana), kao dokaz da je tjelesno i psihički sposoban za obavljanje poslova oglašenog radnog mjesta.

Mole se kandidati da ne dostavljaju dokumentaciju koja nije tražena tekstem javnog oglasa jer se ista neće uzimati u razmatranje.

**Sve tražene dokumente, uz prijavu na javni oglas koja sadrži kontakt podatke i kratku biografiju, treba dostaviti najkasnije 30.08. 2024. godine putem pošte preporučeno na adresu:**

**Agencija za unapređenje stranih investicija u Bosni i Hercegovini**  
**“Javni oglas za popunu radnog mjesta zaposlenika u radni odnos na neodređeno vrijeme**

**(za Komisiju za izbor zaposlenika – NE OTVARAJ)**  
**Dubrovačka 6, 71 000 Sarajevo**

Nepotpune, neblagovremene i neuredne prijave, kao i prijave kandidata koji ne ispunjavaju uslove ovog oglasa, kao i kopije tražene dokumentacije koje nisu ovjerene neće se uzimati u razmatranje.